



Kommuninut

Ulloq 6. april 2021 kommunini qinersinermi coronamut sillimaniarluni maleruagassat allaffissornikkut aalajangiunneqartut

Kommunini qinersinermi sumiiffiit taasiartorfissat 73-iupput.

Taasiartorfissat 72-it taakkua qinersisinnaatitaasut amerlassusaat ilanngullugit imatut agguarsimapput:

Qinersisinnaatitaasut <100:	inoqarfiit 33
Qinersisinnaatitaasut 100-199:	inoqarfiit 20
Qinersisinnaatitaasut 200-499:	inoqarfiit 6
Qinersisinnaatitaasut 500-999:	inoqarfiit 4
Qinersisinnaatitaasut 1.000-:	inoqarfiit 10

(Kisitsisinut 2018-imi Inatsisartunut qinersinermi qinersisinnaatitaasut amerlassusaat aallaavigineqarput. Taamaattumik inoqarfiit amerlassusaat ulloq 6. april 2021 kommunini qinersinermi allaanerulaarsinnaapput)

Kommunit tamarmik **qinersisartut allakkatigut taasinissaannut aqutissiuiinissamut** kaammattorneqarput. Qinersisartut sapinngisamik amerlanerpaat allakkatigut qinersinisaat imminermini siunnerfigineqarpoq, tassami tamatumani ulloq qinersiviusoq nallerpat qinersiartortussat ikinnerpaamiissammata. Tamanna pillugu paasititsiniaassallutik kommunit akisussaaffigaat. Saniatigut Nunamut Namminermit immikkoortortaqaqfiup nuna tamakkerlugu paasititsiniaanermut aamma tapersiissuteqassaaq.

Kommunit isumaliutigisinnaavaat pisortat suliffeqarfiutaani, niuertarfinni assigisaanilu utaqqisaannaagallartunik angallanneqarsinnaasunik allakkatigut qinersiartorfinnik pilersitsissallutik.

Tamatuma saniatigut isumagineqartussanut tunngatillugu malittarisassat makkua atuutissapput:

Qinersititsivissani tamaginni **Nakkutilliisunik pilersitsisoqarnissaa** taaguinermit siulersuisup qulakkiissavaa, taassuma inimi qinersititsivimmi sukkulluunniit inuit amerlavallaannginnissaasa qulakkeernissaa suliassarissallugu. Inini arlaanniluunniit inuit 100-nit amerlaneroqqusaanngillat. Inimi ataatsimi inuit isersimasinnaasut 100-nit ikinnerusinnaapput, tassami sukkulluunniit inuit inimi isersimasinnaasut amerlanerpaaffissaasa qatserisarfimmit akuerineqartut 50 %-iinik amerlanerpaaffissalernerneqartussaapput.

Inuit nakkutilliisut pineqartut taasititsinermut aqutsisup ataani inissisimassapput. Inuit nakkutilliisut naliliippata - corona pissutigalugu killilersuinerit matuma siuliani allassimasut tunngavigalugit – inuit inimi isersimasussat amerlanerusinnaanngitsut, qinersisartut inimit taasiartorfissamut isernissaminnut utaqqissasut, inuit nakkutilliisut piumasaqarnissamut piginnaatitaapput.

Sumiiffinni siulerialaartoqarnissaa naatsorsuutigineqarpat, taava **2 meterikkaartunik erseqqissumik nalunaaqutsiisoqassaaq**, qinersiartortut imminnut qanillivallaannginnissaat anguniarlugu.

7. februar 2021
Sags nr. 2020 - 11684
Dok. nr. 15969193

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Ineeqqani taasiffiusussani tamani isilernermi anilernermilu **assannut spritinik** ilisisoqassaaq minnerpaamik 70 % ethanolinik imalinnik. Qulakkeerneqassaaq spritiisiviit imaqartuaannassammata. Ineeqqani taasiffiusussani allaatissat akulikitsumik spritimik salinneqartassapput. COVID-19 pillugu allagartaliinerit taasiartorfinni erseqqissumik inissisimassapput.

Taasiartorfissani qinersinnaatitaasut 199-init amerlaneruppata, tamanna ajornartinnagu **isertarfiit anisarfiillu imminnut avissaarsimatinnissaat** taaguineramik siulersuisup qulakkiissavaa. Tamanna ajornartinnagu illup iluani inimi taasiartorfissaq immikkoortumik isertarfeqassaaq anisarfeqassallunilu, aammalu illu inip taasiartorfissap inissisimaffigisaa immikkut isertarfeqassaaq anisarfeqassallunilu.

Tamatuma saniatigut taasiartorfissani taasisinnaatitaasut 499-init amerlanerutillugit **sumiiffiini agguluisimanissaq** taaguineramik siulersuisup isumagissavaa, **taamaalilluni init immikkoortisimaneqarnissaat qulakkeerneqassalluni** (iikkanik taluliinikkut, ulissuarnik assigisaannilluunniit nivinngaaniikkut). Tamanna ajornartinnagu init immikkoortut immikkut isertarfeqassapput anisarfeqassallutillu.

Inini immikkoortuni agguluneq malittarisassat makkua aallaavigalugit **ulloq inuuffiusoq malillugu pissaq:**

- Taasiartorfissani 500-999 akornanni qinersinnaasut amerlassuseqarpata init immikkoortut marluussapput:
Agguluneq: Ulloq inuuffiusoq 1.-15. aamma ulloq inuuffiusoq 16.-31.
- Taasiartorfissani 1.000-3.000 akornanni qinersinnaasut amerlassuseqarpata init immikkoortut pingasuussapput:
Agguluneq: Ulloq inuuffiusoq 1.-10. aamma ulloq inuuffiusoq 11.-20. aamma ulloq inuuffiusoq 21.-31.
- Taasiartorfissani 3.000 sinnerlugit qinersinnaasut amerlassuseqarpata init immikkoortut sisamaassapput:
Agguluneq: Ulloq inuuffiusoq 1.-8. aamma ulloq inuuffiusoq 9.-16. aamma ulloq inuuffiusoq 17.-24. aamma ulloq inuuffiusoq 25.-31.

Coronamut sillimaniarluni maleruagassat allaffissornikkut aalajangiunneqartut pillugit nalornissuteqarluni apeqqutissat Qinersinermut Ataatsimiititaliamut allattoqarfimmut apeqqutigineqarsinnaapput allalluni uunga qinersineq@nanoq.gl.

Inussiarnersumik inuulluaqqusillunga
Med venlig hilsen



Klaus Georg Hansen
Qinersinermut Ataatsimiititaliamut allattoqarfimmi pisortaq
Nunamut Namminermut immikkoortortaqarfik